



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Lingonen. Episcopo.

**urn:nbn:de:hbz:466:1-20006**

mirabiliter desolata. Et sicut venerabilis frater noster Conradus Maguntinus Archiepiscopus, Episcopus Sabinensis, cuius testimonium præmissis rationibus concordabat, suis nobis literis intimavit, tua prudentia circumspeta totius terra statui plurimū poterat existere fruētua. Propter quæ circa factum tuum facilius poterat dispensari. Nos ergo super factō tuo cum fratribus nostris communem tractatum habentes, & subtiliter attendentes quod consecratio tibi collata nec prioris Ecclesiae te Pontificem fecerit, cùm ad eam non fueris consecratus, nec secundæ, ad quam prioris vinculo perdurante non poteras canonice conferari, cùm adhuc esses alteri conjugaliter alligatus, prædictis tamen rationibus ad dispensationis gratiam inclinati, quamvis secundum sacerorum canonum instituta utraque carere deberes, de plenitudine potestatis à prioris vinculo te solventes, auctoritate tibi præsentium duximus concedendum ut de benignitate sedis apostolicæ quasi novo consensu Tripolitanam Ecclesiam de cetero tanquam proprius Pontifex ad honorem Dei, utilitatem ipsius Ecclesiae, tuamque salutem, & Cleri populique tibi commissi studeas gubernare, quatenus præveniente divina gratia & sequente plus prodeesse velis & valeas quam præceſte; præsertim temporibus istis, cùm vixit qui faciat bonum usque ad unum, opus est non mercenario, sed pastore. Datum Laterani II. Kal. Ianuarij.

## PATERARCHÆ ANTIOCHENO.

Dij. 501.  
Epistola ferè  
argumentum.

**C**um ex naturalis legis &c. ut suprà ferè in eundem modum usque ad verbum dispensari. Et quoniam suspensionis sententiam in te prolatam, sicut ex tuarum intelleximus continentia literarum, humiliter observasti; nos, qui personam tuam sincera caritate diligimus, & tuo, quantum cum nostro possumus, intendimus honori deferre, cùm te inter fratres nostros honorabile membrum & in domo Domini columnam immobilem reputemus, confessionem spontaneam & supplicationem devoutam benignius attentes, de consueta Rom. sedis clementia pœnam inflam duximus relaxandam, à suspensionis sententia fraternitatem tuam auctoritate præsentium denuntiantes penitus absolutam. Datum ut suprà.

## LINGONEN. EPISCOPO.

**S**ine dolore tibi & pudore scribere quod olim in te dignoscitur approbasse, nunc peccatis exigentibus cogitur improbare. Cùm enim ab ipso tuae promotionis principio inter te & dilectos filios Canonicos Lingonen. multæ pullularent quæstiones, nec unquam, postquam tuo commissa fuit regimini, pacem haberit Ecclesia Lingonensis, sicut fama refert publica, & quamplurimum Prælatorum & religiosorum ipsarum partium literis nostro est apostolatui suggestum, non solum mobilia sed etiam immobilia ipsius Ecclesie adeo distracti, quod quæ olim inter Gallicanas Ecclesiæ nobilis fuerat & famosa, nunc habeatur ab his, qui in circuitu ejus sunt, in opprobrium & contemptum. Super quibus cùm à Lingonen. Capitulo coram venerabili fratre nostro Lugdunen. Archiepiscopo Metropolitanu tuo delatus fuisses, ut ejus judicium declinares, apostolicæ sedis audientiam invocasti, festum beati Lucae proximè præteritum terminum appellationi prosequendè præfigens; quæ Lingonen. Capitulum ad Dominicam qua cantatur *In bilate Deo*, proximè præteritam, coartarunt. Quæ utique cùm tam per literas quam nuntios utriusque partis ad nostram audientiam pervenissent, volentes tibi & eis pro intemperie aëris & caloris distemperantia paterna solicitudine providere, tibi per scripta nostra mandavimus ut hujus occasione discordia bona Lingonen. Ecclesiæ minime dilapidare præsumeres, festum beati Michaëlis proximè præteritum sub peremptorio terminum assignantes, quo te nostro conspectui præsentares objectionibus Capituli responsurus, & propositurus contra ipsos si quid velles propoundere quæstionis. Cùm autem Canonicci Lingonenses, & illi præsenti quo personaliter ad petitionem tuam literis fecimus apostolicis evocari, ad nostram accesserint præsentiam, & nos tuæ volentes fraternitatì deferre, ipsos diu detinuerimus, adventum tuum aliquandiu expectantes, comparuerunt tandem in præsentia nostra duo nuntij tui, quibus (licet procuratores non essent) in confistorio nostram dedimus audientiam, & quæ ab eis proposita fuerunt, audivimus diligenter, facientes literas nobis \* pro te \* f. pet

Oo

Epist. 504.  
Ipsum ab officio suspendit, donec Capitulo suo super dilapidatione bonorum Ecclesie respondeat.

transmissas in nostro & fratribus nostrorum auditorio recitari: in quibus continebatur expressum, quod in Cistercien. Capitulo, in multorum religiosorum & aliorum praesentia, signum vivificè crucis acceperas, vovens pro amore Iesu Christi ad partes accedere transmarinas, quod tamen post editum peremptorium à te procuratum constitit esse factum. Et licet ipsi Canonicis saepius reclamarent quod in expectando plus debito gravarentur, sententiam tamen nostram usque in vigilia Nativitatis Domini proferre distulimus, credentes quod tu venires, vel saltem sufficientem mitteres responsum. Quantumcunque vero nobis sit molestum te in aliquo molestari, quia tamen nobis incumbit ex injunctæ administrationis officio corrígenda corrigere, & reformatre in melius quæ circa Ecclesiarum statum noscuntur minùs licet attentata, volentes etiam in judiciis juris ordinem observare, habito cum fratribus nostris super negotio ipso consilio, te pro contumacia manifesta & dilapidatione vulgata, quam non solum ad aures nostras fama publica detulit, immo etiam Archiepiscoporum, Episcoporum, & aliorum religiosorum virorum testimoniales literæ demonstrarunt, te ab administratione totius Lingonen. episcopatus, tam in spiritualibus, quam in temporalibus, omnino suspendimus; auctoritate tibi praesentium injungentes districitiis, ut suspensionem procures inviolabiliter observare. Volentes autem (nisi forte cedere forte malueris, quod saluti tuae magis credimus expedire) causam quæ inter te & dilectum filium Decanum Lingonen. pro Ecclesia vertitur, super dilapidatione & insufficientia, & aliis multis injuriis & gravaminibus per te ipsi Ecclesia irrogatis, examinari celerius, & canonico fine decidi, (ne, si fuerit diutius prorogata, cadat irreparabiliter Ecclesia Lingonen. quæ jam videretur ex parte maxima cecidisse) ipsam venerabili fratri nostro Parisien. Episcopo duximus committendam; per apostolica tibi scripta mandantes quatenus, cum ab eo fueris requisitus, ipsius adire praesentiam non postponas, responsurus objectis, & objecturus quæ volueris contra Decanum agentem pro Ecclesia memorata. Si vero de utriusque partis voluntate processerit quod per ipsum Episcopum diffinitiva sententia proferatur,

ipse auditis hinc inde propositis, & ascitis sibi viris prudentibus, quos tanto negotio cognoverit expedire, causam ipsam fine canonico terminabit. Alioquin gesta utriusque partis redacta in scriptis, & sigilli sui munimine roborata, ad presentiam nostram transmitte, praesigens partibus terminum competentem, quo recepturæ sententiam nostro se conspetui repræsentent. Interim autem per dictum Parisien. Episcopum de procuratore idoneo Lingonen. Ecclesiae præcipimus provideri. Datum ut supræ.

*Scriptum est super hoc Episcopo Parisien.*  
**PATRIARCHÆ HIEROSOLYM.**  
*& Canonicis Dominici Sepulchri.*

**Q** Vanto Antiochenam & Hierosolymitanam Ecclesiæ purius diligimus & intendimus amplius honorare, tanto ad amovenda ea quæ inter ipsas controversæ atque rancoris cuiusdam scrupulum pariunt, diligentius intendere volumus, ac quæstiones earum judiciali calculo diffinire, ut earum sopia discordia, servent ad se invicem mutua dilectionis affectum, & in suis sibi current necessitatibus subvenire. Sanè cùm inter prædictas Ecclesiæ super Tyren. & Peterten. archiepiscopatibus quæstio fuerit diutius agitata, quæ, sicut ex literis felicis recordationis Lucij Papæ prædecessoris nostri didicimus, vobis & prædecessoribus vestris quodammodo per negligentiam procurantibus finem non potuit debitum obtinere, cùm peremptorio multoties fueritis evocati, ac idem prædecessori noster bona memoriae prædecessori tuo, frater Patriarcha, cùm proficeretur in Galliam, mandaverit viva voce ut vel sufficientem responsum transmittenet, vel ipse rediret ad ejus praesentiam responsurus; quia idem Patriarcha mandatum apostolicum non implevit, dictus prædecessor noster utrique parti peremptorium terminum assignavit; ad quem, sicut accepimus, nec venistis, nec misistis idoneos responsales. Quia vero, quantumcunque Hierosolymitanam Ecclesiæ diligamus, quantumcunque etiam vobis & ipsi velimus in instanti necessitate deferre, quia tamen Antiochenæ Ecclesiæ justitiae deesse non possumus, nec debemus, quæ etiam non est Sarracenicæ persecutionis immunis, licet aliud statuere contra vos de ju-

*Ziff. 10.  
Hierosolymitanam familiam bonam  
ut Antiochenæ Patriarchæ &  
certis quæda  
fasificare, vel  
causam conve  
Pontificis Romano  
proficiatur.*